



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1000. Usque Ad Annum 1063

Fleury, Claude

August. Vind. [u.a.], 1761

VD18 90117956

§. 14. Canutus Rex Daniæ & Angliæ.

[urn:nbn:de:hbz:466:1-66323](https://nbn-resolving.org/urn:nbn:de:hbz:466:1-66323)

Sæculum XI. Coloniensem cum Suffraganeis suis, &
A.C. 1027. ad sinistram Hunfridum Archiepiscopum
 Magdeburgensem ejusque Suffraganeos.
 Ad meridiem alii sedebant, & ad Septen-
 trionem complures Abbates. In hoc
 Concilio Aribō Archiepiscopus veterem
 litem de Monasterio Gandesheimensi ad-
 versus Godehardum Episcopum Hildes-
 heimensem renovavit; & tunc quidem
 Godehardus in Synodo præsens Jus suum
 acquisitum testimonio septem Episcopo-
 rum, qui Transactioni Gandesheimensi
 interfuerant, demonstravit. Nihilomi-
 nus Archiepiscopus in duobus aliis Con-
 ciliis, annis sequentibus celebratis, anti-
 quam crambem recoxit. Tandem anno
 millesimo trigesimo cessit, fassus est se
 errasse, & S. Episcopo reconciliatus est.

§. XIV.

Canutus Rex Daniæ & Angliæ.

Canutus seu Cnuto, Sueini seu Sueno-
 nis Regis Daniæ filius & Successor,
 Patris vestigiis insistens in Angliam navi-
 gavit, ut Gentem suam ulcisceretur,
 gravibus injuriis affectam sub Rege cru-
 deli Ethelredo, quocum pertinax bellum,
 & deinde cum filio ejus Edmundo, qui
 Latus ferreum dicebatur, gessit. Tan-
 dem Edmundo fatis functo, solus in An-
 glia rerum potitus anno 1017. viginti an-
 norum spatio imperavit. Christianus
 erat,

erat, atque ex Invasore in optimum & sapientissimum Regem conversus Magni nomen consecutus est. Quod Beneficium S. Elnothi vel Egelnothi, Archiepiscopi Cantuariensis, consiliis, quibus Princeps utebatur, cuncti in acceptis retulerunt. Hic Præsul, olim Monachus Gloucestoniensis, anno 1020. Livingo Archiepiscopo, Successori S. Elfegii, successerat, & elapso biennii spatio Romam profectus Pallium a Benedicto Papa VIII. acceperat. In reditu, cum Papiam divertisset, brachium S. Augustini centum marcis argenti & una auri coemit, atque eo Cimelio Ecclesiam Angliæ decoravit.

Sæculum XI.
A.C. 1027.

Elog. Sæc. 6.
Ben. p. 447.
Sup. lib.
LVIII. §.

31.

Itaque S. Elnothi hortatu excitatus Canutus Rex voto Romam eundi pro expiatione peccatorum suorum se obstrinxit, illudque, ut paulo ante diximus, implevit. Eodem Viro Sancto impellente Canutus Leges tam Ecclesiasticas quam Civiles, quæ in desuetudinem abierant, renovavit, quod apparet ex Legum Collectione in Actis Conciliorum extante, ubi complura maximi momenti Decreta, ad Religionem pertinentia, & Legibus sub Regno priorum Principum editis consentanea occurrunt. Præterea suadente Archiepiscopo Canutus Rex etiam in Ecclesias exterarum regionum munificus extitit. Legimus enim eum magnam vim pecuniæ donasse Ecclesiæ Car-

tom. 9. Conc.
p. 314.

P 3

nutensi,

Sæculum XI. nutensi, sedente Episcopo Fulberto, qui
 A.C. 1027. data ad hunc Regem epistola pro acce-
Fulb. pto largissimo munere gratias egit, &
 aurum Ecclesiæ suæ reparandæ, quam
 incendium vastaverat, impendit. Obiit
 Archiepiscopus Elnothus anno millesimo
 trigesimo octavo, Sanctorum exinde nu-
 mero adscriptus.

Rex Canutus, compluribus Episcopis
 ex Anglia in Daniam defectis, Bernardum
Ada. Brem. II. c. 38. in Scania, Gerbrandum in Zelandia,
 Reinherum in Finia prædicare iussit. Et
Unvan quidem Archiepiscopus Bremen-
 sis Gerbrandum Episcopum humane ex-
 cepit, sed compulit, ut se Præpositum
 suum agnosceret, & fidem promitteret.
 Ceterum in amicorum suorum nume-
 rum adlectum cum aliis Nunciis & mu-
 neribus Legatum ad Regem Canutum
 misit, iussitque suo nomine eidem gratu-
 lari victorias de Anglis reportatas, sed
 etiam objurgare, quod Angliam Episco-
 pis suis privare ausus esset. Boni con-
 sultuit Canutus Archiepiscopi admonitio-
 nem, crevitque postea inter ambos ami-
 citiæ usus, ita ut Rex sine Archiepiscopi
 assensu nihil magni moliretur. Namque
Unvan inter Canutum & Regem Conra-
 dum Salicum pacis ineundæ arbiter ex-
 titit.
c. 39.